

FEJZIĆ EDIM
DELEGAT U DOMU NARODA PARLAMENTA FBiH
IZ BOSANSKO-PODRINJSKOG KANTONA GORAŽDE

Bosna i Hercegovina
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
DOM NARODA
SARAJEVO

Primljeno:	02-02-2017		
Org. jed.	Broj	Priloga	Vrijednost
02	- 02	- 292	104 2x

DOM NARODA
PARLAMENTA FEDERACIJE BOSNE I HERCEGOVINE SARAJEVO
N/r Predsjedateljice Lidije Bradare

Na osnovu člana 10, 138, 140 Poslovnika o radu Doma naroda Federacije Bosne i Hercegovine podnosim slijedeću

D E K L A R A C I J U

(Deklaracijom se izražava stav Parlamenta o političkim pitanjima i drugim bitnim pitanjima od interesa za Kanton, Federaciju Bosne i Hercegovine ili Bosnu i Hercegovinu)

O podršci, zahtjevima sa područja Bosansko-podrinjskog kantona Goražde za prolazak putne komunikacije koja će povezivati Sarajevo i Beograd kroz područje Bosansko-podrinjskog kantona Goražde.

Obrazloženje :

Bosansko-podrinjski kanton Goražde sa sjedištem Federacije Bosne i Hercegovine povezan je sa veoma loše dvije putne komunikacije koje uglavnom prelaze preko planinskih vijenaca Romanije i Rogoja, te predstavljaju limitirajući faktor u daljem privrednom razvoju ovog dijela Federacije Bosne i Hercegovine i veoma negativno utiču na demografsku strukturu stanovništva koja je od Dejtonskog mirovnog sporazuma pa do danas uticala da je nastavljeno kontinuirano iseljavanje stanovništva sa područja Gornje drinske regije, a što je posebno intezivirano u posljednjih deset godina. Većina stanovnika koja se iseljava sa ovih područja su mladi i obrazovani ljudi. Ovakvo stanje nije prisutno samo na području Bosansko-podrinjskog kantona Goražde već i u okolnim Opštinama Republike Srpske. Velika šteta koja nikad nije popravljena nanešena je ovim građanima ukidanjem pruge kroz Istočnu Bosnu prema Sarajevu, odnosno centru Federacije Bosne i Hercegovine i u ovakvo teškim okolnostima privreda Bosansko-podrinjskog kantona Goražde postiže dobre rezultate poslovanja iz godine u godinu povećava obim proizvodnje roba i usluga koje uglavnom izvozi na veoma zahtjevno Svjetsko tržište u 48 država svijeta na svim kontinentima. Sa 31.12.2016. godine na svakih 100,00 KM uvezene robe i usluga sa područja Bosansko-podrinjskog kantona Goražde izveze se 162,00 KM, što je najveća pokrivenost uvoza izvozom roba u Državi Bosni i Hercegovini i to svih 10 Kantona, 5 Ekonomskih regija u Republici Srpskoj i Brčko distrikt (u 2016. godini još jedinu pozitivnu platnu bilansu u razmjeni roba i usluga sa inostranstvom ima Regija Doboju u Republici Srpskoj). Zbog veoma loše putne komunikacije kojom je Bosansko-podrinjski kanton Goražde povezan sa Koridorom 5-C, te lošom povezanosti sa riječnim i pomorskim lukama, željeznicom, aerodromom Sarajevo, Tuzla i Mostar.

Privreda Kantona Goražde je u nepovoljnom položaju kako u odnosu na ostale Kantone u Federaciji Bosne i Hercegovine tako na konkurente naših proizvoda koji su bliže našem glavnom tržištu zemalja Evropske unije zato što veoma loše putne komunikacije povećavaju troškove proizvodnje, dovoza repromaterijala i sirovina i odvoza gotovih proizvoda usporavaju brzinu protoka istih što za posljedicu ima i veće troškove angažovanog kapitala. Primjera radi od Goražda do Minhena je 1100 km, a od Bihaća do Minhena je 600km, odnosno u obadva pravca je veća ukupna kilometraža za 1000 km. Primjer Minhena smo uzeli jer je Njemačka naš najveći kupac roba i usluga, a ujedno najveći dobavljač repromaterijala i sirovina za potrebe prerađivačke industrije.

Izgradnjom nove moderne putne komunikacije kojom bi se Goražde povezalo sa Sarajevom imalo bi za posljedicu dalji rast privredne aktivnosti, zaustavljanja iseljavanja sa ovih prostora, dovelo bi do novih investicija, što bi imalo za posljedicu rast broja zaposlenih, odnosno uticalo bi i na povratak ljudi na ove prostore. Jedna ovakva saobraćajnica obećana je Kantonu Goražde Dejtonskim mirovnim sporazumom, ali na žalost nikada nije došlo do izgradnje. Vlada Bosansko-podrinjskog kantona Goražde već je uradila određene aktivnosti na pripremi prostorno-planske dokumentacije, dijelu projektovanja putne komunikacije itd što bi se moglo ukomponovati u jedinstveno rješenje povezivanja Sarajeva i Beograda preko Goražda.

Pozivam sve delegate u Domu naroda Parlamenta Federacije Bosne i Hercegovine da ovu moju deklaraciju podrže, te da daju podršku Vladi Federacije Bosne i Hercegovine da u konačnom određivanju trase puta za Beograd prioritet daju varijanti povezivanja kroz Goražde.

Srdačan pozdrav i velika zahvalnost za podršku i razumjevanje.

U Sarajevu, 02.02.2017. godine


DELEGAT
Edim Fejzić